



UNIVERSITÄTS-
BIBLIOTHEK
PADERBORN

Compendiosa Praxis Beneficiaria

Nicolarts, Laurentius

Coloniae Agrippinae, 1658

Illvstrissimo Et Reverendissimo Domino D. Josepho Sanfellicio
Archiepiscopo Consentino, Smi D. N. Alexandri Papæ VII. & Apostolicæ
Sedis ad Tractum Rheni, & inferiores Germaniæ partes cum potestate ...

[urn:nbn:de:hbz:466:1-61991](https://nbn-resolving.org/urn:nbn:de:hbz:466:1-61991)



ILLVSTRISSIMO ET REVERENDISSIMO
DOMINO

D. JOSEPHO
SANFELICIO
ARCHIEPISCOPO

Consentino, S^{mi} D. N. ALEXANDRI
PAPÆ VII. & Apostolicæ Sedis ad Tra-
ctum Rheni, & inferiores Germaniæ par-
tes cum potestate Legati de latere
Nuntio, Domino & Patrono
suo Colendissimo.

ILLVSTRISSIME ET REVERENDISSIME
DOMINE,
PATRONE COLENDISSIME.

Numer.
cap. 18.
v. 8. & 11.



N libro Numerorum est, quod
Deus sibi primitias, seu primam
frugum obventionem, uti su-
premo rerum omnium Domi-
no debis

[*]

Epistola

*o. r. de de-
cipis.*

no debitam, in Sacerdotii prerogativam, AARONI eiusq; filiis munificam largitione attribuerit: unde & hodie Sacerdotibus assignantur. Huiusce legis ductu non dubitavi meorum quoque laborum primitias, seu primos ingenii mei fructus ILLUSTRISSIMAE C. V. promptè & devotè consecrare, ac presentem lucubratiunculam, seu commentariolum in CONCORDATA inter Sedem Apostolicam, & inclytam Nationem Germanicam pacta & inita confectum, ILLUSTRISSIMI NOMINIS SUI auspiciis multis quidem titulis inscribere; ac primùm quidem, quia nulli, quàm ILLUSTRISSIMA C. V. potiori iure debebatur, quæ non solum munere magni Sacerdotis, ut AARON fungitur, iure quasi Divino sibi huiusmodi primitias deposcens: verùm etiam SANCTISSIMI DOMINI NOSTRI ALEXANDRI PAPÆ VII. eiusq; sanctæ Sedis in hisce Germaniæ partibus dignissimum agit Legatum, & Magni illius AARONIS filium repræ-

Dedicatoria.

præsentat; præsentia autem **CONCORDATA** inter S. Sedis Apostolicæ tunc Legatum, & Nationem Germanicam fuere conclusa: & ita ipsi præ cæteris, qui eiusdem honoris & legationis apud Nationem Germanicam vices obit, erant adscribenda. Deinde si res ipsa, de qua agitur, ex æquó pensetur, non poterit non gratiosissimis eius oculis exiguum hocce studium meum, quo nimirum inviolatum Sanctæ Sedis Apostolicæ cum Romanorum Rege **FREDERICO III.** & Germaniæ Principibus, ac Prælati sancitum fœdus enucleatur, blandè & suaviter abblandiri; quid enim sancto fœdere, quid pace & unitate cum Ecclesia Romana omnium aliarum domina, matre ac magistra perpetuò conservandâ præstantius? quid gratius? quid **ILLUSTRISSIMÆ C. V.** honorificentius? quæ Apostolicis planè conatibus, pacis quâ publicè, quâ privatim in perturbatissimo rerum omnium per Germaniam statu tuendæ & restituendæ pro fidei Catholicæ pro-

(**)

paga-

Epistola

pagatione est usque adeò studiosa, ut non ita pridem ex speciali SANCTISSIMI DOMINI NOSTRI Commissione, singulos Principes Electores Ecclesiasticos privatim convenire, & ad pacificam ac concordem novi Regis Romanorum electionem verbis efficacissimis hortari voluerit, eoq; etiam sine Francofurtum ad Imperii Comitata sit deputata, ut id ipsum SUA præsentia, consilio, agendi dexteritate, de qua SUA SANCTITAS sibi plurimum pollicetur, cum immortalis SUI NOMINIS gloria amplius præstetur, & universæ Germaniæ pacis promovendæ zelus innotescat.

Et munusculum hoc meum meritis quidem est impar, ea tamen de ILLUSTRISSIMÆ C. V. humanissima benevolentia mihi spes est, ut hoc etiam quantumcumque tenue obsequii genus prono affectu sit prosecutura: maximorum siquidem Virorum ea indoles est, ut offerentis tenuitatem humanitatis suæ opulentiâ non gravatè locupletent.

Dedicatoria.

pletent. Patere igitur ILLUSTRISIME DOMINE, ut dum ILLUSTRISIMA C. V. Germaniæ paci, & unanimi Regis Romanorum electioni tantis studiis prospicit & intendit, hic CONCORDATORUM Germaniæ cum S. Sede Apostolica initorum tractatus (sine quibus veteres Romani Pontifices, teste *Leonino*, existimarunt decus Christianæ Religionis, pacis & tranquillitatis publicæ sustineri & conservari non posse) sub splendidissimi & pacis amantissimi NOMINIS SUI insigniis lucem aspiciens, firmissimo Apostolicæ tutelæ præsidio contra æmulos & pacis osores, ac Criticos quosvis censores protegatur: eò enim faventiozem inveniet lectorem, quò illustriorem habuerit protectorem; omnibusq; omninò id placebit, quod ILLUSTRISIMÆ C. V. prudentia probarit, & benevolentia acceptarit; cui erga me hætenus adeò abundè demonstratæ obstrictissima sunt quævis literarum mearum studia, & devotissima
animi

*Leoninus
consil. 508*

Epistola Dedicatoria.

animi obsequia. Cæterùm ut ansa mihi detur, illa futuris annis, vitâ, Deo favente, comite, in ILLUSTRISSIMA C. V. promptiùs declarandi, eiusq; beneficium favorem ampliùs demerendi, quod Vates lyricus Augusto Imperatori exoptabat:

Serus in cælum redeas; diuq;

Lætus intersis populo Quirini.

*Horat.
lib. 1. oda
2*

ILLUSTRISSIMÆ C. V. pro totius Germaniæ bono, pace & tranquillitate medullitus pariter opto, Deum supplex orando, ut eandem diutissimè sospitet, aeternumq; post fata suprema beet. Coloniae Agrippinæ die 11. Novembris. S. Martino Episcopo sacrâ. 1657.

ILLVSTRISSIMÆ C. V.

Humillimus & Devotissimus servus

LAURENTIUS NICOLARTS.